

十先生奧論註

十先生集卷之四

十先生與

論

註

商賈中書前史本
商賈中書前史本
商賈中書前史本
商賈中書前史本
商賈中書前史本
商賈中書前史本
商賈中書前史本
商賈中書前史本
商賈中書前史本
商賈中書前史本

四庫全書珍本初集
總集
集
類部

詳校官中書臣瞿照

助教臣常循覆勘

商務印書館
中華書局
景印
藏文淵閣
本

總校官進士

臣朱

鈐

校對官中書

臣趙秉淵

淵

膳錄監生

臣

朱

鎮

欽定四庫全書

集部八

十先生奧論註

總集類

提要

臣等謹案十先生奧論註四十卷不著編輯者
名氏亦無刊書年月驗其板式乃宋時建陽
麻沙坊本也書中集程子張耒楊時朱子張
栻呂祖謙楊萬里胡寅方恬陳傅良葉適劉
穆元戴溪張震陳武鄭湜諸人所作之論分

類編之加以注釋據其原目凡前集後集續
集各十五卷此本續集脫去前五卷僅存十
卷而前集第七卷以上亦屬後人抄補其原
註并佚去不存所亡之卷已無篇目可考不
知作者凡幾即此四十卷中核其作者已十
六人但題曰十先生中間宋史有傳者凡十
一人其餘若張震字東父益寧人孝宗時中
書舍人龍大淵曾覲除知閣門事嘗繳回詞

頭事見胡沂傳鄭湜有二其一字溥之福州人光宗時為從臣奏立太子監國見留正傳其一則紹熙元年為從政郎進治術十卷見書錄解題此所載之鄭湜其進治術者歟方恬劉穆元陳武三人則史傳俱無可考見矣宋人文集名著史冊者今已十佚其八九而名姓無聞篇章湮滅如集中方恬諸人者更指不勝屈此書雖不出於科舉之學而殘編

斷簡得存於遺佚之餘議論往往可觀詞采
亦一一可取固網羅放失者所不廢也乾隆
四十六年九月恭校上

總纂官

臣紀昀陸錫熊臣孫士毅

總校官

臣陸費墀

欽定四庫全書

十先生與論註前集卷一

歷代聖君論

呂祖謙

堯舜

道離於天下或者聖人爲之也亦時之變爲之也道函於泰始隱於渾淪而藏於未雕未斲之天者未離也已而裂於乾坤洩於河洛分於八卦散於九章而其體始離矣雖然體固離矣而猶若未離也何者乾坤判而未

鑿也河洛呈而未支也八卦具而未演也九章敘而未
疇也迨夫既鑿而支既演而疇析之而後分也斲之而
後散也詳之而後乖也彰之而後晦也嗟夫道之全體
至是而始睽矣吾嘗求易於未有易之前蓋未始有一
畫也而畫則始於伏羲羲之畫未詳也畫而三之卦而
八之其端倪畧發也已而文王重之孔子繫之而易之
體始分矣雖然不重不繫不可也人心懵然中則無見
也不灼其影昧者弗覩也不烈其聲噴者弗聞也洗心

退藏者聖人之分也吉凶與民者聖人之餘也為其餘而不及其分聖人之心亦缺然也是故易之書為憂世而作也無所憂則不作也嗟乎彼文王仲尼又何等時耶吾固曰非聖人為之也亦時之變為之也昔者堯以是道而傳之舜則曰中舜以是道而傳之禹則亦曰中中果何物耶意者堯不免於強名而舜不過於循襲也夫強名以言道循襲以語人非意也勢也河洛出矣八卦具矣而中之名未立也雖然言之可矣堯之命自中

之外則無說而舜則有曰人心道心也危微精一也營
營然若慮夫其擇之不精也其語之者不詳也其守之
者不固也繼而曰無稽之言勿聽也弗詢之謀勿庸也
吁強名而言中亦既贅矣而奚至於是哉吾深悲夫舜
之時不逮夫堯也自堯舜而有執中之說精一之說然
後有吾道一以貫之之說有喜怒哀樂未發之說已而
為性善性惡之說為善惡混之說而道始益離矣嗟乎
堯固憂乎後世之不知中也而中之名立舜固慮夫

後世之失中也而精一之說立二說立而後世之說卒
以窮吾又悲夫堯舜之不得以歸乎天也不特此也九
疇之錫禹得之無說也而箕子則反覆言之未幾漢儒
得竊之以文其誕而皇極之道孤向非箕子開其源而
漢儒何以承其流也噫彼箕子又何等時耶吾固曰道
離於天下非聖人者為之也亦時之變為之也然則處
時之已變則何為則亦曰伏羲堯舜而已矣文王箕孔
而已矣以酒而解醒可也惡醒而去酒不可也吾獨悲

夫聖人之不得以歸乎天也

大禹

聖人之舉事亦難乎其始也曷難乎其始也始者終之
的而創者述之表也始者創之終者述之吾見創之者
一線而述之者滔天也嗟乎聖人則亦無心待天下來
世而已矣奈之何天下後世之不以無心待聖人也蓋
嘗讀書而至於苗未嘗不悲舜而嘆禹也舜聖人也禹
亦聖人也而有心乎哉苗之不率非一日也在堯之時

則然也堯嘗一過絕之矣而苗不悟舜嘗一分北之矣而苗復不悟然則堯舜何汲汲於苗之悟也悟不悟無足介也而鰥寡則有辭也庶幾則無辜也民棄則弗保也堯舜無心於苗而有心於民也徂征之舉蓋再悟之也嗟乎聖人其亦待苗以速化而示以無心之太過也歟吾聞聖人無心也以有心議聖人者凡民也奈之何其不以無心議之也彼固謂揖遜之治征伐則未見也都俞之化誓師則未聞也征伐未見而見於舜誓師未

聞而聞於禹則是起戎者舜先之而召亂者禹首之也雖然苗逆命猶可也苗不逆命則舜之征也為無名禹之班也為無功而益之贊也為不切矣夫起戎而至於無名召亂而至於無功吾固悲夫聖人以無心之用而得有心者之議也嗟乎聖人亦不計後世之議此也夫有心於伐人者其籌之必工也其計之必審也工而審焉者故其勝必決勝而必者功巧於中人者之為也然則聖人固巧於中人也哉聖人寧可以失師之名歸之